



## **Universitätsbibliothek Paderborn**

### **Medvlla Theologica**

Ex Sacris Scriptvris, Conciliorvm Pontificvmqve Decretis, Et Sanctorvm  
Patrvm Ac Doctorum Placitis Expressa ; In qua, quidquid tum ad fidei  
mysteria sanè ac rectè intelligenda, & ab erroribus quibusvis secernenda,  
tum ad sacramenta debitè conficienda & ministranda, tum ad actiones  
humanas iuxta ...

**Abelly, Louis**

**Coloniæ Agrippinæ, 1658**

III. An, & quâ ratione Christi actiones fuerint meritoriæ.

**urn:nbn:de:hbz:466:1-38954**

## SECTIO III.

*An, & quâ ratione Christi actiones fuerint  
meritoria.*

**D**icendum 1. Christi Domini actiones humanas verè & propriè fuisse meritorias. Ita S. Thom. q. 19. a. 3. est de fide.

Probatur 1. ex scriptura, in qua dicitur redemptionem nostram, ac peccatorum nostrorum remissionem ex Christi sanguine, hoc est ex passionis eius ac mortis merito procedere; ad Coloss. 1. *In quo habemus redemptions per sanguinem eius, remissionem peccatorum:* Apoc. 5. *Redemisti nos Deo in sanguine tuo.*

Probatur 2. ex Conc. Trid. sess. 6. cap. 7. vbi dicitur, nostra iustificationis causam meritoriam esse Dominum nostrum Iesum Christum, qui cum esset inimicus propter nimiam charitatem, quâ dilexit nos, sicut à sanctissimâ passione in ligno crucis nobis iustificationem meruit, & pro nobis Deo Patri satisfecit.

Probatur 3. hâc ratione: omnes conditiones ad meritum requisita in actionibus Christi Domini reperiuntur, ergo fuerunt meritoriae. Probatur antecedens; quia conditiones ad meritum requisitas (vt supponimus ex tractatu de Gratia) sunt hæc, quæ sequuntur. Prima, vt actio sit libera. Secunda, vt sit honesta seu bona moraliter. Tertia, vt sit à persona grata Deo, & iusta. Quarta, vt exercetur in statu viae. Quinta denique, vt pactum intercedat ex parte Dei de præmio reddendo pro tali actione: atqui haec conditiones in actionibus Christi reperiuntur; fuerunt enim liberæ, ut præc. sed. probatum est; fuerunt honestæ & bonæ, quod Christus ipse declarauit S. Ioann. 8. *Ego, que placita sunt ei, facio semper;* fuerunt à persona Deo grata, quod & ipse Deus Pater in Baptismo, & Transfiguratione Christi testatus est; fuerunt factæ in statu viae,

cum

cum Christus fuerit simul viator & comprehensor; paulum denique intercessit ex parte Dei Patris, iuxta illud Il. 53. Si posuerit pro peccato animam suam, videbit semen longum, & voluntas Domini in manu eius dirigetur.

Dicendum 2. Christi Domini actiones fuisse infiniti valoris ad merendum. Hoc constat ex dictis supra cap. 1. sect. 6. vbi probauimus, Christi Domini actiones fuisse valoris infiniti ad satisfaciendum; rationes enim, quae probant de uno, probant etiam de altero.

Probatur præterea auctoritate Clementis VI. summi Pontificis in Extrauagante, quæ incipit (Vnigenitus) de pœnitentijs & remissionibus, vbi dicit Christum Dominum acquisuisse Ecclesie thesaurum infinitum, constantem suis meritis & operibus satisfactorij, &c. & non esse aliquatenus formidandum de consumptions seu imministione huius thesauri propter infinita eius merita.

Quare, quando meritum Christi Domini incepit, quanto tempore durauerit, & quando desierit? Resp. 1. Christi meritum incepisse a primo instanti sua conceptionis. Ita S. Th. q. 34. a. 3. hoc constat ex cap. 10. ad Hebr. vbi refert Apost. Christum ingredientem in hunc mundum dixisse: Ecco venio, ut faciam, Deus, voluntatem tuam; & postea subiungit, in qua voluntate sanctificati sumus; ex quo sic possumus argumentari: ille actus Christi est meritorius, in quo sumus sanctificati: atqui in primo instanti conceptionis (tunc enim hunc mundum ingressus est, ut explicat S. Thom. in illum locum Apost.) actum submissionis & obedientiae erga Deum Patrem elicuit, in quo sanctificati sumus: ergo a primo instanti conceptionis mereri incepit.

Resp. 2. Christum Dominum toto vita sive tempore continuo & sine ulla intermissione omnibus suis actionibus meruisse. Hoc constat ex supra relatis Christi verbis, quibus dixit se, quæ placita erant Patri suo fecisse semper. Deinde ex eo, quod Christus Dominus potuit quouis tempore tam somni quam vigiliæ, increari per actus in-

ternos elicitos independenter à sensibus ratione scientia infusa; si autem potuit, cum eius charitas esset perfectissima, non est dubitandum quin fecerit; unde SS. Patres illum etiam ipsius infantiae tempore meruisse assertunt, ut S. Ambr. lib. 2. in S. Luc. Me, inquit, illas infantes vagientis abluant fletus, mea lacryma illa delicta lauerunt.

Resp. 3. Christum Dominum à momento sua mortis mereri desisse. Ita S. Thom. q. 19. a. 3. ad r. vbi dicit, ei quo Christus viator esse desist, illum non amplius fuisse in statu merendi. Ratio est, quia Christus per passionem in cruce, merita sua omnia consummavit, ut ipsem et status est, cum, antequam ultimum spiritum emitteret, dixit: Consummatum est.

Obijcies & frustra fieri per plura, quod potest per pauciora: atqui Christus per unicam actionem potuit nobis peccatorum remissionem & salutem promereri: ergo frustra videntur tot eius merita fuisse multiplicata. Resp. Vt nullum esse unicam Christi actionem ad universum genus humanum redimendum fuisse sufficientissimam cum fuerit infiniti valoris, ac meriti; illum tamen non frustra pro nobis tot, & tanta facere ac pati voluisse, tam ut excessum infinitum sua erga nos charitatis ostendebat, tam ut magis ac magis Patrem suum meritis suis glorificaret, tam ut praeceptum sibi à Patre de redimento hominibus impositum quam perfectissime adimpleret.

Vbi tamen obseruandum est, quod, quamvis Christus quacunque actione suâ nobis verè, ac de facto meruerit omnia, & singula gratia & gloria dona, nihilominus non meruisse nisi respectu ad mortem crucis, ita ut singula eius merita per mortem compleri & consummari debarent; non sane, quod aliter fieri non posset, cum vel minima Christi actio propter infinitam diuini suppositi dignitatem per se ad redimendos mille mundos plusquam sufficeret; sed quia ab aeterno definitum fuerat, ut redemptio nostra non aliter completeretur, quam per Chri-

Si mortem ac passionem; vnde If. cap. 53. de illo pradixerat: *Si posuerit pro peccato animam suam, videbit sicutem longeum;* & ipse Christus saepe in Euang. de passione sua tanquam de re praedefinita diuinitus ad generis humani redemptionem locutus est, vt Marc. 8. *Cepit docere eos, quoniam oportet filium hominis pati multa, &c.* & occidi: & S. Ioan. 12. de passione ac morte sua loquens (vt explicat S. August. tract. 31. in S. Ioannem) *Nisi granum frumentum caderet in terram, mortuum fuerit, ipsam solum manet: si autem mortuum fuerit, multum fructum affert.*

Obijcies 2. Christum Dominum per vulnera illud, quod post mortem accepit, meruisse; cum plures sancti Patres doceant ex ipsis latere sacramenta Ecclesia fluxisse. Resp. vulnera illud fuisse meritorium, non pro illo instanti, quo inflictum est, sed ratione temporis praecedentis, quo Christus adhuc viuens illud prauiderat, & vitro a se sponte acceptauerat, in modo etiam Deo Patri pro nostra salute obtulerat.

## SECTIO IV.

*Quid Christus Dominus sibi, & quid nobis meruerit.*

Dicendum 1. Christum Dominum sibi gloriam corporis, & nominis exaltationem promeruisse. Ita S. Thos. quart. 19. c. 3. & constat ex scriptura; S. Luc. 24. *Nonne haec oportuit pati Christum, & ita intrare in gloriam suam?* ad Philipp. 2. *Humiliavit semetipsum factus obediens usque ad mortem,* &c. Propter quod & Deus exaltauit illum, in quem locum S. Chrys. Extremam, inquit, *Christus praefixit obedientiam,* & propterea accepit supremum honorem: & S. Aug. tract. 104. in S. Ioan. *Humilitas, claritas est meritum;* & *claritas, humilitatis est premium.*

Dicendum 2. Christum Dominum nec gratiam, nec visionem beatificam, nec unionem hypostaticam sibi meruisse. Ita S. Thom. l. cit. quod probat ex eo, quod meritum

situm